



BOSNIAN-HERZEGOVINIAN FILM FESTIVAL™
NEW YORK CITY

Kontakt: Amra Turalić
(917) 302-2702
aturalic@gmail.com

ili

Edita Zulić
(646) 752-5030
edita@bhffnyc.org

BOSANSKOHERCEGOVAČKI FILMSKI FESTIVAL (BHFF™) NAJAVLJUJE FILMOVE ZA SVOJE SEDMO IZDANJE 14. I 15. MAJA 2010. U TRIBECA CINEMAS U NJUJORKU

Njujork, Maj 2010.: Bosanskohercegovački Filmski Festival (BHFF™) je najavio osam filmova za svoje sedmo godišnje izdanje koje će se održati 14. i 15. maja 2010. u Tribeca Cinemas, jednoj od glavnih filmskih institucija u Njujorku.

Već dugo očekivani filmovi prikazuju raznolikost bosanske dijaspore i njenih filmskih stvaraoca te dolaze iz mnogih dijelova svijeta uključujući Bosnu i Hercegovinu, Hrvatsku, Njemačku, Dansku, Nizozemsku, Australiju, Englesku i Sjedinjene Američke Države.

Selekcija filmova između ostalog uključuje i američke premijere filma "One more tonight", koji prikazuje smrt Somalijskog vozača taksija i porodičnog čovjeka u Melburnu, te "Iko", poetički odraz na Bosnu i Hercegovinu.

Ostali filmovi koji će biti prikazani na ovogodišnjem festivalu istražuju raznovrsne teme kao što su: borba protiv ratnih zločinaca ("Bura"); povratak kući poslije rata ("Zgarište"); posljedice nasilja u Bosni i Hercegovini posmatrane kroz prizmu bosanske željeznice ("Vozovi svirači"); sevdah kao emocionalno, muzičko, liričko te vizuelno putovanje kroz dušu Bosne ("Sevdah"); mračne tajne koje okružuju jednog od njujorških stanova ("Apparition"); te drevne piramide u Visokom ("Buried Land"). Broj filmova je dobio međunarodno priznanje na festivalima širom svijeta.

Tokom festivala publika će imati priliku da razgovara sa filmskim radnicima Sabinom Vajračom ("Apparition"), Amirom Husakom ("Vozovi svirači"), te Geoffrey Alan Rhodes i ostalim koji su saradivali na filmu "Buried Land".

Od osnivanja 2003. godine, BHFF je stekao pažnju izlaganjem savremene bosansko-hercegovačke kinematografije. Ovaj jedinstveni kulturni događaj, organizovan od strane dvije neprofitne organizacije u Njujorku, Radio Glasa Bosne i Hercegovine i Akademije Bosne i Hercegovine, služi kao platforma za prikazivanje filmova od strane novih te međunarodno priznatih filmskih stvaraoca a istovremeno doprinosi boljem razumijevanju Bosne i Hercegovine, njene raznolike kulture, istorije i izazova.

Iako Bosna i Hercegovina, površinski veličine Zapadne Virdžinije, proizvodi samo nekoličinu igranih filmova godišnje, njeni filmski stvaraoci su svjetski priznati, a njihovi filmovi, iako nisko-budžetni, su dobitnici mnogih nagrada i priznanja. Nedavni primjeri su filmovi, "Ničija zemlja", dobitnik Oskara, "Grbavica", koji je osvojio Zlatnog Medvjeda na Berlinu, te "U ime sina", koji je primio oko dvadeset filmskih nagrada širom svijeta.



Bosanskohercegovački Filmski Festival (BHFF™) je godisnja manifestacija koja promovise svjetski priznate filmove proizvedene od strane bosanskohercegovačkih filmskih stvaraoca ili filmove na temu Bosne i Hercegovine. Cijena karata je 12 dolara po bloku. Karte se mogu nabaviti prije prikazivanja svakog filma na ulazu u Tribeca Cinemas ili prilikom posjete BHFF™ web-stranici, <http://www.bhffnyc.org/>, do 16 sati 14. Maja 2010.

Radio Glas Bosne i Hercegovine je neprofitna organizacija posvecena ocuvanju i jačanju svijesti o bosanskohercegovačkoj kulturi u Njujorku i šire. Radio Glas Bosne i Hercegovine emituje sedmični radio program na bosanskom jeziku, a istovremeno je i organizator mnogobrojnih kulturno-društvenih manifestacija za bosanskohercegovačku zajednicu. Za dodatne informacije, posjetite web-stranicu <http://www.voiceofbh.org/>.

Akademija Bosne i Hercegovine je neprofitna organizacija koja služi kao platforma za razne kulturne, umjetnicke i edukativne programe koji se vode od strane njenih članova, te koja prezentira talente i dostignuća dijaspore. Za dodatne informacije, posjetite web-stranicu <http://www.academybh.org>.

Tribeca Cinemas je dom filmskih premijera, svečanih prijema, the drugih javnih događaja u Manhatnu. To je središte cuvenog Tribeca Film Festivala, kao i prostor otvoren tokom cijele godine za raznovrsne privatne događaje. Za dodatne informacije, posjetite web-stranicu <http://www.tribecacinemas.com/>.

#

